



CONCELLO DA VEIGA
Terras Altas de Trevinca

ORDENANZA REGULADORA DA TAXA POR DOCUMENTOS QUE EXPIDAN OU DE QUE ENTENDAN AS ADMINISTRACIÓNS OU AUTORIDADES LOCAIS, A PEDIMENTO DE PARTE.

Artigo 1º.- Fundamento e natureza.

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases de réxime local, e de conformidade co disposto nos artigos 15 ó 19 da Lei 39/1988, do 28 de decembro, reguladora das facendas locais, este Concello establece a taxa pola prestación de servizos ou a realización de actividades administrativas de competencia local por "documentos que expidan ou de que entendan

as administracións ou autoridades locais a instancia de parte", que se rexerá pola presente ordenanza, atendendo as súas normas ó previsto no artigo 58 en relación co artigo 20.4.a), ambos da Lei 39/1988, do 28 de decembro, reguladora das facendas locais, de acordo coa modificación establecida na Lei 25/1988, do 13 de xullo, de modificación do réxime local das taxas estatais e locais e de reordenación das prestacións patrimoniais e de carácter público.

Artigo 2º.- Feito imponible.

1. Constitúe o feito imponible da taxa a actividade administrativa desenvolvida con motivo da tramitación, a instancia de parte, de toda clase de documentos que expida e de expedientes de que entenda a administración ou as autoridades municipais.

2. A estes efectos entenderase tramitada a instancia de parte calquera documentación administrativa que fora provocada polo particular ou redunde no seu beneficio aínda que non mediase solicitude expresa do interesado.

3. Non estará suxeita a esta taxa a tramitación de documentos e expedientes necesarios para o cumprimento de obrigas fiscais, así como as tributarias, os expedientes de devolución de ingresos indebidos, os recursos administrativos contra resolucións municipais de calquera índole e os relativos á prestación de servizos ou realización de actividades de competencia municipal e á utilización privativa ou o aproveitamento especial de bens do dominio público municipal, que estean gravados por outra taxa municipal ou polos que este Concello esixa un prezo público.

Artigo 3º.- Suxeito pasivo.

Son suxeitos pasivos contribuíntes as persoas físicas e xurídicas e as entidades ás que se refire o artigo 33 da Lei xeral tributaria que soliciten, provoquen ou no interese das cales redunde a tramitación do documento ou expediente de que se trate.

Artigo 4º.- Responsables.

1. Responderán solidariamente das obrigas tributarias do suxeito pasivo as persoas físicas e xurídicas a que se refiren os artigos 38.1 e 39 da Lei xeral tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

Artigo 5º.- Exencións subxectivas.

Gozarán de exención aqueles contribuíntes nos que conorra algunha das seguintes circunstancias:

1ª. Ter sido declarados pobres por precepto legal.

2ª. Estar inscritos no padrón da beneficencia como pobres de solemnidade.

3ª. Ter obtido o beneficio xudicial de pobreza, respecto ós expedientes que deben xurdir efecto, precisamente, no procedemento xudicial no que foran declarados pobres.

Artigo 6º.- Cota tributaria.

1. A cota tributaria determinarase por unha cantidade fixa sinalada segundo a natureza dos documentos ou expedientes para tramitar, de acordo coa tarifa que contén o artigo seguinte.

2. A cota de tarifa corresponde á tramitación completa, en cada instancia, do documento ou expediente de que se trate, desde a súa iniciación ata a súa resolución final, incluída a certificación e notificación ó interesado do acordo recaído.

3. As cotas resultantes por aplicación das anteriores tarifas incrementarase nun 50 por 100 cando os interesados soliciten con carácter de urxencia a tramitación dos expedientes que motivasen a obriga de contribuír.

Artigo 7º.- Tarifa.

A tarifa a que se refire o artigo anterior estruturase nos seguintes epígrafes:

Conceptos; ptas.

Instancias de todo tipo dirixidas á Alcaldía ou Corporación; 150 pta.

Certificacións de Secretaría; 200 pta.

Informes da Alcaldía; 200 pta.

Baixas, alteracións e certificacións de padrón; 150 pta.

Expedientes de traspaso, apertura, cambio de titularidade ou similares de locais; 1.500 pta.

Informes urbanísticos sobre características do terreo e outros para os efectos de edificación a instancia de parte; 2.000 pta.

Registro de proposicións para participar na contratación de obras, servizos e subministracións; 300 pta.

Expediente de devolución de fianzas de obras; 300 pta.

Expedientes a petición de parte, en relación coas licencias de automóbiles de servizo público; 300 pta.

Expediente de concesión de licencia para celebración de festexos populares; 300 pta.

Dilixencia de cotexo de documentos; 50 pta.

Por calquera outro expediente ou documento no expresamente tarifado; 150 pta.

Artigo 8º.- Bonificacións da cota.

Non se concederá bonificación ningunha dos importes das cotas tributarias sinaladas na tarifa desta taxa.

Artigo 9º.- Obriga de contribuír.

1. Aplicarase a taxa e nace a obriga de contribuír cando se presente a solicitude que inicia a tramitación dos documentos e expedientes suxeitos ó tributo.

2. Nos casos a que se refire o número 2 do artigo 2º, a obriga de contribuír prodúcese cando teñan lugar as circunstancias que provexan a actuación municipal de oficio ou cando esta se inicie sen previa solicitude do interesado pero redunde no seu beneficio.

Artigo 10º.- Declaración e ingreso.

1. A taxa esixirase en réxime de autoliquidación, polo procedemento do selo municipal adherido ó escrito de solicitude da tramitación do documento ou expediente, ou nestes mesmos se aquel escrito non existise, ou a solicitude non fora expresa.

2. Os escritos recibidos polos conductos a que fai referencia o artigo 66 da Lei de procedemento administrativo, que non venan debidamente reintegrados, serán admitidos provisionalmente, pero non se lles poderá dar curso sen que se emende a deficiencia, e para tal fin requirirase ó interesado para que no prazo de dez días aboe as cotas correspondentes co apercibimento de que, transcorrido o dito prazo sen efectualo, se lle terán os escritos por non presentados e será arquivada a solicitude.

3. As certificacións ou documentos que expida a administración municipal en virtude de oficio de xulgados ou tribunais para toda clase de preitos, non se entregarán nin remitirán sen que previamente se satisfixese a correspondente cota tributaria.

Artigo 11º.- Infraccións e sancións.

En todo o relativo á cualificación de infraccións tributarias, así como das sancións que a estas lles correspondan en cada caso, haberá que averse ó disposto nos artigos 77 e seguintes da Lei xeral tributaria.

Disposición final.

A presente ordenanza, da que a súa redacción definitiva foi aprobada polo Pleno da Corporación, na sesión do 20 de novembro de 1998, entrará en vigor o mesmo día da súa publicación no BOP e será de aplicación a partir do día 1 de xaneiro de 1999, permanecendo en vigor ata a súa modificación ou derogación expresa.

O ALCALDE.- A SECRETARIA.